

宣化縣志卷之十七

武畧志

宣邑大如彈丸然全郡諸衝皆經其地如張家口自萬全來殺虎口大同鴈門自懷安西寧來獨石自鵬鶚趙川來三面距敵而保蔚又視爲屏蔽宣人所係綦重歷來經理置爲重鎮其貔貅將士糗糒軍儲與畿南異即今改衛爲縣而營伍驛傳亦與他州縣異臚陳往事固凜王章蒐羅近務益垂後鑒留心衝地者邊謀當必講也爲作武畧志

宣化縣志

卷之十七

武畧志

一

明洪武二年春叅政傅友德及元脫列伯戰于宣德敗之

友德領步騎屯朔州遂巡太和嶺以北至宣德府值元將脫列伯南下遊擊遂敗之 太和嶺在鴈

門西

洪武二十五年都督劉真指揮使李彬來行障塞

時北兵出塞未久不時出沒爲邊患上乃命真暨彬來巡視度量城隍增設險隘分撥戍守畫示屯種邊人賴以無恐云

永樂二十年北部入寇車駕征之魯大敗

三月阿魯台寇興和殺守將都指揮使王煥上決意親征駕次鷄鳴山進至殺狐原阿魯台開車駕

親征盡棄孳物歸重于闕灤海之側與其家屬遠遁乃發兵收孳物焚輜重還師論諸將曰誘阿魯台爲逆者兀良哈之寇也遂簡步騎分五道進至屈列兒河斬敵首數百餘級衆潰走追奔數十里斬酋長數十人盡收人物十餘萬而還

洪熙元年叅政劉璉來理軍務

時朝廷以武臣疎于謀畧暗于法理特選藩臬臣有才識者叅贊軍務且以督儲餉焉是後既置巡撫都御史即以叅贊命之云

宣德元年詔鎮兵番閱京師

永樂間鎮兵數從征代武事練習承平既久漸以廢弛于是詔宣鎮兵分春秋二番較閱京師

正統十年秋詔恤戍兵

宣化縣志

卷之十七

武畧志

二

詔河南士卒番上宣鎮留冬者人給布二疋絮斤餘

景泰二年春詔留報效人于鎮城

總兵官朱謙咨送報效人還京師少保于謙駁之曰和不可恃備不可忘凡此皆糾合四方之精銳以爲圖魯之計不可輕置又恐北聞之揣我弛懈別生戎心詔留鎮城操備

夏六月揀閱鎮兵

巡撫都御史李秉上言尚書石僕總督時揀選鎮兵分爲三撥以次接戰然分數不明強弱間置欲行再閱副其名實仍爲三撥以備調遣從之

成化三十年兵部尚書余子俊來督軍務

子俊至鎮選將練兵墾田備餉造戰車利兵器既具乃上言臣先巡撫延緩時曾築長城或削山爲

墻或立墩挑堊西人至今賴之今宣人地勢平衍過於延綏築城爲險尤不可緩乞朝廷不惜小費成此大功詔許之令京營兵助役

二十一年夏詔京營兵來助塞役

總督侍郎余子俊奏築宣鎮塞垣慮兵力不足乞發京營兵來助于是朝廷命指揮顧剛領二萬人至于俊分布就役宣人謂得勤兵息民均勞謹要之意云

宏治九年秋北部人寇總兵官莊鑑副總兵官阮興

禦邦之

宣鎮城北有羊房堡去塞垣近敵毀垣而南遂至鎮城下分兵抄掠鑑與出師對敵于龍王堂斬首七十餘奪回人口馬匹甚衆

宣化縣志

卷之十七 武畧志

三

十年兵部侍郎李介來督軍務戶部侍郎劉大夏來

理軍餉

介至敵已遁去因回京獨留大夏理餉召邊上父老日夕講究遂得要領一日揭榜通衢云某倉缺糧草若干每石束官價若干凡內外官民客商及中貴子弟但願告報者米自十石以上草自百束以上俱准兩月倉場俱有餘積蓋往時糴買須糶千百石草千萬束方准故勢家爭相爲市轉買邊堡軍民糧草以應自此法立有糧草之家即得報告勢家無從市易矣公私無虧軍民無擾而官勢亦無怨謫矣

十八年命保國公朱暉右都御史史琳統京兵赴宣

禦寇

北部入寇邊將失利命琳總京兵禦之又命琳總督軍務與琳同事琳等既至分駐宣大敵引去斬獲百餘級加琳太保琳太子少保給事中劉莠疏曰近日北人犯邊揀選京軍出征旬日之內奉數不勾三萬有盛無甲有馬無鞍將不識軍軍不識將以此赴敵驅羣羊而格猛虎也尚倚邊兵稍有所獲然可恃以為常耶

正德六年詔鎮兵南征

討霸州土賊劉寵等也按是役弛邊方之備起藩鎮之心示中原之弱而况兵過之處至有大櫛小櫛之謠乎

九年咸寧侯仇鉞右都御史叢蘭並總軍務戶部侍郎侯觀來理軍餉

宣化縣志

卷之十七 武畧志

四

山萬全右衛野狐嶺入掠鎮城及蔚州順聖東西川等處故有是命云

秋北部入寇遊擊將軍張助倪鎮歿之

北部由膳房堡入掠鎮城南下至蔚州復由順聖東西城以出劫鎮領兵往禦戰敗死之

十年詔宣鎮兵入宿衛

時徵鎮兵六千餘名同遼東大同陝西各六千番練京師充宿衛京師因號曰外四家其京營兵六千則命三遊擊將軍統之歲番戍于宣操備焉倖臣江彬之謀也

十一年冬令揀閱鎮兵

時總兵官朱鎮會撫臣疏請揀閱精壯者為前營次者為後營前營出戰後營為援從之按正德間宣鎮立前後營分番以用庶幾乎更出之意矣是後前營恒統于總兵後營則隸于撫監山戰為

援之畫失之法以久而敝者皆類此也

十三年春頒應援節度

兵部尚書王瓊建議令行宣府大同延綏三鎮撫鎮台先整飭奇遊兵馬敵不渡河則延綏聽宣大調用敵如渡河則宣大聽延綏調用無得先期以費儲備後期以失事機

十四年秋詔河南兵暫罷戍邊

宸濠之變河南戒嚴乞留班軍戍宣鎮者詔從之

嘉靖元年詔正軍功

正德間閩宦用事諸報效奏帶人往往籍名各邊偽上首功或一人數處或一時數名併功授職極為濫冒又賜姓人廕祿爵銜者衆至是悉革正其舊有軍門辦事皇店掌理諸名稱者仍置之法

宣化縣志

卷之十七

武畧志

五

初鎮人徼倖于此者皆貴盛一旦權行閭里道路以目至是邊人始有生樂合掌嘆服以為天道難欺國法有在云

十三年兵部侍郎劉源清都督同知邵永來總軍務

戶部侍郎張瓚來總軍餉

被擄人回言且大舉故有是命

十七年夏北部入寇坐營都指揮周冕兵潰而死

敵由萬全右衛入至鎮城北時總兵官郝鐘甫代張鎮掛鎮朔將軍印方數日軍令尚未申聞報先令坐營都指揮周冕以本營精銳兵禦之至姚家庄遇敵布陣問敵統騎亂之兵遂潰冕被刃而死此鐘出師敵去已遠矣于是逮鐘至京繫獄焉

冬北部入寇總兵官江桓禦之引兵而還

敵入深井堡殺掠甚衆回至清水河桓將鎮兵及所謂大同遊擊營畢集列河上二萬餘時河水新合滑不可渡敵望見大懼棄所掠物如邱諸將共議乘半渡擊之桓堅壁不動敵分勁騎掠桓營營角動諸軍方議援之敵已魚貫而渡渡畢引去初敵去被驅男女千餘人見官軍自分得生及渡皆南向痛哭聲聞數里

十八年兵部尚書毛伯溫來督軍務兵部尚書翟鑾

來行障塞

時邊報豐至朝議伯溫總制四鎮兵馬

詔勞將士

宣化縣志

卷之十七

武畧志

六

時駕幸承天特命輔臣翟鑾循行九邊宣布德意勞賞將士鑾以宣府密邇京都首至留數日竣事去

二十一年兵部侍郎翟鵬來督軍務

時邊警屢報總督侍郎鵬奉命至鎮遂調延綏遼東寧夏及真保定客兵凡十營分佈宣大險隘過秋乃還而土兵專令乘塞云

二十二年秋詔鎮兵乘塞

舊鎮兵皆團操鎮城有警出戰後分駐邊堡謂之按伏至是總督鵬及撫鎮建議入秋悉令赴塞地分守謂之罷邊至九月終方令還鎮入給帑金犒之云繼以勞費甚衆乃罷是後邊臣建議又築南山聯墩入秋配兵乘守以為屏蔽京陵大計亦無裨捍禦徒為勞費

二十四年秋詔頒乘塞節度

總督侍郎翁萬達上疏曰當今之急宜大宐以戰為守擇要而屯兵諸關左以守待戰畫地而聯戍數年以來各鎮將臣力主擺邊已成故事驟焉更之百為未備羣志未同譬若理繩急之則亂故因事而稍為之通補偏而聊救其弊不惜勞費兼用恩威庶先聲可以攝人代謀足以制敵乃下令分布諸將定所將多寡擺守遠近及諸擺守節度

二十六年春詔罷戰鋒營更河南戍兵番期

初巡撫王儀總兵祁永議置戰鋒五營拔選各營精銳以廢棄將官統之于是諸伍多空籍所選驕縱廢棄官往往不自重復畏避不戰總督侍郎翁萬達疏言其弊始罷河南戍兵舊春秋兩班至鎮春班以三月朔八月終代秋班以九月朔二月終代近北兵在秋乘塞力不足巡撫孫錦上言使

宣化縣志

卷之十七

武畧志

七

諸軍一班以五月朔至十月終代一班以六月朔至十一月終代是不失兩班之制無增一日之勞而邊塞得全軍之用也從之

三十年秋詔徵鎮兵入衛

二十九年八月北酋俺達領衆由古北口入寇府部大臣深以京兵浮弱為慮因建議將各邊兵歲番入居庸關南屯駐要害防禦不測於是鎮兵選取三千餘名入衛遂為定制云

三十二年秋北部入寇副總兵都指揮郭都死之

時敵騎由張家口入殺掠甚衆將犯保安至城東南地名谷村都領兵二十餘相值與領哨應襲于戶王國血戰死都遼人國官人也

三十三年秋詔恤鎮兵

持宣鎮二年大水無麥禾總督侍郎徐論疏請京通倉米豆充運十餘萬石轉輸懷來等倉分充附近城堡贍軍繼又遣刑部侍郎陳儒發內帑銀五萬兩賫赴本鎮分委官司賑恤于是邊方兵士胥得更生云

三十四年秋北部入寇延綏遊擊將軍都指揮張紘死之

先是督府以宣鎮數被兵患鎮兵寡弱不支檄召延綏遊擊兵來禦備秋七月敵十餘萬衆毀垣入散掠保安東西川紘因領所部三千兵往擊之猝遇於張家堡南敵衆來衝紘令我軍開壁縱千百騎人乃合壁殺所縱入敵人怒合衆圍四面者重匝紘又令士卒毋取首第殊死力戰由是敵被捦于刃成者無數紘亦力盡死士卒盡覆歿云按是役將卒全損土人不以為爲敗績敵死傷者衆也

宣化縣志

卷之十七 武畧志

八

自後被擄逃回人多述敵中追談是役猶咬指爲懼辭則紘之死不爲無益矣紘陝西人忠勇素所自許是舉其真無負哉

嘉靖三十七年春詔實修軍政

先是督臣在邊軍政鮮實北兵還輒下令限數索首級因得掩敗爲功于是部下士競尋死屍捕行路客縛被擄逃回人取其首以應邊人情惋不欲生者數年上聞起終制尚書楊公博經畧救修實政邊人于是有生氣矣

隆慶四年兵部尚書王崇古來督軍務

崇古謚襄毅受順義王孫那降上便宜疏致蒙古貢市不絕人至今稱之

蒙古允把都台吉及永詔卜諸部來通款互市

先是王襄毅講欵獨順義王耳其弟老把都實住宣鎮塞外不與會盟邊臣囑順義王娶之且啖以厚利乃與盟焉 按老把都生五子長曰黃肥都二曰崑都命三曰哈不慎四曰滿五素五曰七慶朝庫皆稱台吉永邵卜者我把汗點喇台吉之營名住牧大同邊外亦順義王之弟也順義王名俺荅係元裔小王子洒阿汗之第三子驍勇善戰方畧空羣春秋冬三季住牧豐州灘昭君墓夏則避暑青山因其孫那吉來奔入塞于是願縛獻趙全等九人贖孫以歸時王襄毅總督宣大山西軍務方逢時巡撫大同吳兌巡撫宣府會疏以聞穆宗許之于是封為王爵綬以金印此撫賞互市之所由始也 宣府市于張家口大同市于新平堡山西市于水泉堡 按宣府之市雖在張家口其馬匹或牧深井宣府故收入宣邑云

萬曆十年順義王俺荅卒

宣化縣志

卷之十七

武畧志

九

王生九子長曰興克都隆哈次曰不彥台吉三曰鐵背台吉四曰兵兔台吉其營名威兀慎五日把林台吉六曰哥力台吉其餘三子亦稱台吉皆封將軍則三娘子所生按三娘子類異聰俊超越流品善番文尚瞿曇款市之堅娘子為力居多封忠順夫人

十一年興克都隆哈襲封順義王

王偏臂善用兵有乃父風受喇嘛戒約婦一百八口以數百八數珠生十四子長曰捨力艮二曰五路把都兒三曰補兒哈兔即青把都四曰哈木五曰松木兒六曰段柰七曰荅賴八曰台石九曰安兔十曰朝兔十一曰口土中哈兔十二曰五力把兔十三曰擺顏兔十四曰明暗皆稱台吉

十四年順義王興克都隆哈卒

十五年捨力艮襲封順義王

王沉湎昏聩凡應酬番漢事務悉委三娘子理之
年未五十而鬚髮已皓生七子長曰朝免朝免生
四子長曰卜石
免即捨喇克炭

十八年停止安兔互市及年例銀

先是未款之時有史雞兒領子史大官史二官等
附居近塞續有車部亦領眾來附塞款後徙居塞
內東路之黑峪口北路之長安嶺鵬鶚後遭婪弁
侵削刁民爭奪加以以箠撻罰之以倍償于是安
兔乘其憤悉誘之遂與車部往奔而塞上稍稍用
兵矣巡撫王世揚守道王象乾與順義王議革其
賞令縛獻史等下二十年縛至仍令居故處而安
兔乃大悔因順義王為請願通款如初三十一年
象乾代世揚巡撫令安兔
并送還車部仍許復市撫

十九年核減市撫銀數

宣化縣志

卷之十七

武畧志

十

從閱視科臣議歲無過三十三萬餘時屆市期諸
部騷集無敢與言者口北道王象乾乃毅然身往
更定約束初諸部猶咄咄詬詈象乾持
之益堅諸部度無如何乃歃血尋盟

四十一年秋白洪大台吉擁兵臨塞要挾歲增督臣

撫臣指陳利害乃解去

先是青把都要挾歲繒凡三與之至是白洪馳精
騎入千藉前為口實將吏洶洶以為與之便總督
余宗濬巡撫王道亨謝勿許且指陳利害乃解去
按白洪台吉乃老把都之長孫黃把都之長子黃
把都生四子其三為擦汗住牧遼東東邊外青把
都乃老把都之二子即昆都侖台吉生六子長曰
木洪大自此以後迄天啟中卜石兔借互市噴有
煩言而邊臣不敢許至五年在大同邊外講市則
案在山海關外講市時放木台吉毛吉炭台吉亦
以市故噴有煩言案放木與毛吉炭駐牧宣府東

路四海治下北路滴水崖邊外皆三封順義王捨
方良次子阿洪之子其長曰七慶即素係哈喇慎
部落乃長昂台吉之子貴英
亦彼中頭目亦住喜峯口外

四十三年卜石兔襲封順義王

卜石兔係捨力良之長孫其父亦名朝兔早死爲
初封順義王滴派先是圖素與卜爭執歲繒未有
嫡屬遂停待七年
至是卜始嗣服

天啟三年王國禎來督軍務致仕兵部尚書王象乾
來定款市

六年毛乞炭台吉擁衆至龍門所塞挾賞叅將張成
憲折之去乘夜從滴水崖邊入塞焚掠成憲力戰

宣化縣志

卷之十七

武畧志

十一

死毛吉炭乞盟

七年二月擦汗擁兵塞外聲言與哈喇慎構兵起原
任薊遼總督王象乾和解之

王總督于癸亥歲已辭歸家居至是衆議非王不
能了此擦汗素畏其人也時王年踰八旬臥板輿
飲乳而去插汗乃解去先是宣府塘報據通事王
觀等于三月二十五日進邊報稱有哈喇慎家帶
領小部落從奢兒城搬移地方解生台吉亦搬移
地方于赤地都一帶四散住牧口稱聯絡一處以
備虎慈又據張家口守備張國光稟稱有青把都
男來洪大台吉差惡不根等賚稟到邊稱擦汗兒
上馬要到獨石口一帶日子不知與我們作仇與
你們邊作仇如先我們上陣助我銳炮手幾百等
語據此看得插汗兒僻處東隅與宣府風馬牛不
相及今橫生枝節將欲控絃十萬加于白言等部

如千鈞之壓卵勢必無幸又恐其聲東擊西等語
兵部題疏內稱擦汗與白言皆我所欵也擦汗向
以講討人口不遂生淫仇恨今一旦擁兵壓哈喇
之境哈喇諸部其能支乎今求助于我我若助之
則虎藪又肆螫于我不助則哈喇不能無怨合選
敏辨通官出口和解若得說而罷之此上計也不
然我亦有辭與彼其各路文武官兵仍當處處設
備云

崇禎三年用兵于敖木台吉北路欵市遂絕

九年兵部尚書盧象昇來督軍務

十年楊嗣昌來督軍務

十一年命宣撫陳新甲總督軍務

皇清世祖章皇帝順治元年以蒙古分隸八旗

宣化縣志

卷之十七

武畧志

十三

本朝定鼎後各蒙古領眾臣服奉 旨分爲四十
八國仍隸八旗其諸王貝勒公侯及護衛叅領佐
領等章京制畧同而品級俸祿視內從殺廩給有
差 詔以 公主郡主下嫁往來其每年終四十
八家更番入京度歲俟賀元旦過燈節後始聽出
口凡八旗姻眷彼此不拘時往來其駝馬牛羊皮
張羖毛等項亦出入無禁至四時正朔仍奉
本朝憲 歷計 歷日所載各蒙古如烏朱穆泰 科
爾沁 扎賴特 阿霸哈喇 蘇尾特 杜爾伯
特 蒿齊特 毛明安 郭爾羅斯 阿祿科爾
沁 阿霸垓 四子部落 巴林 孔魯特 喀
爾喀 喀喇沁 敖漢 翁牛特 歸化城 上默
特 柰曼 克西克騰 吳喇忒 鄂兒多斯
以上十四名又有分部散處凡四十有八亦封有
總領頭
目云

宣鎮邊外興和城一帶爲牧放御馬牛羊之地屬內

八旗

按宣鎮邊外來自昌鎮界火焰山北西至大同鎮平遠堡界延袤一千三百餘里今其切近邊口外捍蒙古八旗者亦山水盤鬱耕獲孳牧與內地同制以蒙古都統章京等官分管而各旗之牛羊馬匹咸牧其地殆亦猶京畿內地旗庄也此與宣邑絕不相涉但因蒙古並各旗孳牧道必經宣故紀

吳孳昌來督軍務

二年 命宣撫李鑑督理軍務

李鑑在愍宗時原任宣鎮巡撫後開居宣府愍宗十七年三月十三日宣府陷于闖賊城中遭其酷虐迨夏五月原任副總兵王應暉等擒戮偽職賊官一秉成于鑑為愍帝哭臨三日合鎮忠義之氣從此而奮旋聞 大清鼎革乃以地方圖籍歸附故鑑有督理軍務之命

宣化縣志

卷之十七 武畧志

十三

三年 皇姑來朝道經宣府

是年議以柴溝堡與之旋奉停止自是來無常期不能備書

冬禁旅從鎮城出張家口

六年兵部右侍郎佟養量來督軍務

八年裁宣府巡撫併于宣大總督

十年禁旅從鎮城出張家口 秋命御馬駐宣喂

養嗣后每秋盡到宣次年四月出口歲以為常計

二十四圈

十四年兵部尚書張元錫來督軍務

十五年總督盧崇峻來督軍務

十六年裁宣大總督命直撫兼攝宣鎮

今上康熙七年給鎮守宣府總兵官印

先是仍明舊制稱鎮朔將軍至是始更

十年發倉廩賑濟蒙古

詳恩恤志運賑內

十四年調蒙古兵從張家口入塞過宣府城南征逆

藩

先是十三年吳三桂背義于滇又耿仲明尚可喜等相繼而叛朝廷震怒大出禁旅是年調蒙古

宣化縣志

卷之十七 武畧志

古

兵若干同征三逆云

十九年發倉糧賑濟蒙古

詳恩恤志運賑內

二十年南征蒙古兵從張家口出塞道經宣府

時吳逆就平故凱旋出塞

運米張家口賑濟蒙古

詳恩恤志運賑內

遣官頒蕩平滇黔詔于蒙古道經宣府

從前凡大典禮皆頒詔經于宣地特載此詔者以武畧故也

十一年遣官賚 敕頒賞于蒙古道經宣府

以蕩平 滇南也

二十三年四月命兩親王帥師出獵塞外道經宣府

三十年二月奉 旨蠲納以實邊儲

戶部為請開捐納事例以廣 皇仁以裨軍需事
康熙三十年二月初四日啟奏奉 旨依議著查
去年具題未准事例欽此欽遵查得大同張家口
現今大兵前往駐劄此二處所駐官兵需米豆草
束甚多應在張家口大同宣府地方開捐納米豆
草束事例捐納其大同路途寫遠若數目相同恐
人舍遠就近應將大同捐數米豆每百石減去二
十石草每千束減去二百束捐納事例開列于後
一凡內外除貪酷大計軍政失陷城池擬罪革職
官員不准捐納外其因公註誤革職不論旗民道

宣化縣志

卷之十七

武畧志

五

員捐米二千五百石或豆一千五百石并草六萬
束郎中員外知府副將捐米二千石或豆一千二
百石并草五萬束主事同知運同叅將捐米一千
五百石或豆九百石并草三萬五千束通判知州
知縣遊擊都司捐米一千二百石或豆七百石并
草三萬束州縣佐二等官守備捐米五百石或豆
三百石并草一萬二千束以上俱以原官補用一
凡內外應具題保舉方以京官正印陞用等官道
員捐米一千二百石或豆七百石并草三萬二千
束知府捐米一千石或豆六百石并草二萬五千
束同知運同捐米七百石或豆四百石并草一萬
八千束主事知州知縣捐米五百石或豆三百石
并草一萬二千束運判通判中書行人評事博士
等官捐米二百五十石或豆一百五十石并草一
千二百束司府經歷等官州縣佐二等官捐米一
百二十石或豆七十石并草三千束以上免其保
舉論俸照伊應陞缺用此等候缺并丁憂官員照
現任官員捐納補用之後免其保舉一內外未得

宣化縣志

卷之十七

武畧志

六

封典身故一品二品文武官員子孫照伊各祖父父
 原職品級追納 封典者捐米二百石或捐豆一
 百二十石或捐草五千束三品四品官員捐米一百
 五十石或捐豆九十石并草三千五百束五品以
 下官員捐米一百石或捐豆六十石并草二千五
 百束均照伊祖父父原職品級給與應得 封典
 一富民或捐米一百石或捐豆六十石并草二千
 五百束給與九品頂帶榮身捐米二百石或捐豆
 一百二十石并草五千束給與八品頂帶榮身一
 不論旂民俊秀子弟捐米六十石或捐豆三十五
 石并草一千五百束廩生捐米三十石或捐豆十
 八石并草七百束增生捐米四十石或捐豆二十
 五石并草一千束附生捐米五十石或捐豆三十
 石并草一千二百束青衣生捐米六十石或捐豆
 三十五石并草一千五百束俱准作監生免其入
 監讀書期滿考用一司府經歷等官州縣佐二教
 職等官不論已任未任捐米一百石或豆六十石
 并草二千五百束照各品級給與 封典榮親再
 未得 封典內外已任未任文武一品二品官員
 捐米二百石或捐豆一百二十石并草五千束三
 品四品官員捐米一百五十石或捐豆九百石并
 草三千五百束五品以下官員捐米一百石或捐
 豆六百石并草二千五百束給與各應得 封典
 至未入流雜職官員捐米六十石或捐豆三十五
 石并草一千五百束給與九品 封典一不論旗
 民文武官員捐米二十五石或捐豆十五石并草
 六百束紀錄一次捐米一百石或捐豆六十石并
 草二千五百束准加一級不準隨帶捐米二百石
 或捐豆一百二十石并草五千束准加一級隨帶
 陞任再有捐者計美加級紀錄 其降級晉任
 文武官員捐米一百石或捐豆六十石并草二千
 五百束將所降級復還再有多捐者以此計美復
 還降級一除布政使按察使總兵官以上及在京
 堂官料道官員不准捐納外不論旂民因公註誤
 降級調用已用未用文武官員捐米三百石或捐
 豆一百六十石并草七千束將所降一級復還

再有多捐者以此計筭復還降級仍照原職補用
其在外告病道員捐米二千石或捐豆一千二百
石并草五萬束知府副將捐米一千七百石或捐
豆一千石并草四萬三千束同知運同叅將捐米
一千二百石或捐豆七百石并草三萬一千束通
判知州知縣遊擊都司捐米一千石或捐豆六百
石并草二萬五千束州縣佐二等官守備捐米二
百五十石或捐豆一百五十石并草六千束以原
官補用一無品筆帖式烏林人捐米六十石或捐
豆三十石并草一千五百束給與八品頂帶不隸
食俸亦不論旗民例監廩生捐米七十石或捐豆
四十五石并草一千八百束增生捐米一百石或
捐豆六十石并草二千五百束附生捐米一百二
十石或捐豆七十石并草三千束俱准作歲貢至
有捐納山草者每谷草一束折收七觔重山草二
束此捐納俱于本年七月初一日停止其所捐米
豆草束行文直隸山西巡撫差委賢能道府等官
米豆照倉斛草每束俱七斤重收受照例出給實
收該撫將米豆草束收倉月日註明冊內咨報戶
部查核俟命下之日通行入旂包衣佐領并直
隸各省遵行可也

宣化縣志

卷之十七

武畧志

七

三十一年頒到神功神威將軍炮四十位

上諭每于霜降日瀟放十五日以期純熟以備禦
武其需火藥炮子文官代備交送武官先偏累宣
化後十州縣輪辦始少蘇累共計每年用藥二千
五百六十五斤鐵子三百七十四個鉛子五百一
十六個需用硝二千一百一十五斤磺四百五十
斤灰二百一十三斤半仍有布作袋線鍋盆等雜
費

三十二年改衛所爲府縣仍置總兵官統轄

是年旣改府縣其總兵與麾下駐防武職在宣邑
者俱仍舊制唯裁深井堡守備宣化驛把總二員

詳載建
革志中

三十五年春 上領諸王暨八旗官兵躬討噶爾丹

按喀爾喀久為臣服外藩與噶爾丹隣近連年構怨屢蒙 天語諭和噶爾丹逆命不恭致震怒出師道由獨石其宣府供應如 駕臨幸故紀

三十四年停止喂養 御馬知府范時崇詳允也

四十五年皇姑來朝道經宣化



嗣後無常期出入必由不能悉書

宣化縣志

卷之十七

武畧志

六



論曰邊謀之成局何紛紛也漢於冒頓處以姻唐於
頡利處以盟宋於東遼西夏處以金幣而明則不
姻不盟不金不幣惟日督軍務以待其戰直至末
季始有款市之舉至我

皇朝蒙古臣服中外一家其往來絡繹皆如畿內直能
遠邁前人然治益求治耀德弗觀密勿之垂裳端
拱固爲其要而承乏邊陲共膺保障之任者可勿
鏡往昔切冰兢矢桑土而奠於衽席哉

宣化縣志

卷之十七

武畧志

九

